

## پاره غروش

وزنه عمومی تأدیات کیشهلرنده بولندیریلان اغانه	۲۰	۱۰۳۵
قوطلورنده ظهور ایدن		
مخصصات ذاتیه تأدیات کیشهلرنده بولندیریلان اغانه	۹	۱۴۷۲۶
قوطلورنده ظهور ایدن		
یکون	۵	۴۵۱۸۰
یوم سابق یکونی	۶	۲۱۹۰۷۸۴۲
جملة یکون	۱۱	۲۱۹۵۳۰۲۲

## اعمالات

## استانبول پولیس مدیریت عمومیہ سندن :

استانبول پولیس مدیریت عمومیہ سی ایله ملحق پولیس مراکز و مواقعه لزومی اولان دفاتر موقع مناقصه وضع اولنه رق تاریخ اعلاندن اعتباراً اون کون صکره احاله اولیه سی و قرق سکرز ساعت صکرده احاله قطعیہ سی اجرا قلنه جفتدن طالب اولانلرک نمونه لرینی کوروب پی سورمک اوزره مدت محرره ظرفنده استانبول پولیس مدیریت عمومیہ سی اداره قومیسیننه مراجعت ایلملری اعلان اولنور.

## رسومات مدیریت عمومیہ سندن :

مدیریت عمومیہ قونترول قلمی ایچون اعمال و مبايعه سندن لزوم کورینان ایکی بیک عدد قارنه مهور نمونه سی وجهله و قبالی ظرف اصولیه مناقصه قونلش و ۱۳۲۹ سنه سی مارتک دردنجی بازار ایرتسی کونی احاله سنک اجرایی مقرر بولنش اولدیغندن اعمال و اعطایه طالب اولنلرک شرائط و نمونه نی کوردکن صکره یوزده اون دیپوزیتو اچسنی مستصحباً یوم مذکوره قدر مدیریت عمومیہ دائره سندن متشکل لوازم قومیسیننه مراجعتله تکلیفلرینی بیلدیرملری اعلان اولنور.

## دیون عمومیہ دن :

کاغذ و مقوانک غیری مواد اوزرینه ترتیب و تحریر اولنهرق مواقع عمومیہ ده الصاق و یا تعلیق و یا آخر صورتله تشهر اولنان اعلانات تمغا قانوننک طقوزنجی ماده سنک طقسان درت نومرو سندن محرر رسوم سنویه تباع و قانون مذکورک اوتوز بشنجی ماده سی منطوقجه اشبو رسومک هر سنه مالیه ابتدا سندن تأدیہ سی مقتضی بولمشدر . بناء علیه اوچیوز یکر می طقوز سنه سی رسومک تسویه و اداسی ایچون غلطده عمر عابد خاننک اوچنجی قاتنده ۱، ۲، ۱۹، ۲۰ نومرولی اوطه لرده واقع پول مدیریتنه مراجعتله قانونک دردنجی فصلنک قسم ثانی موجبجه اقتضا ایدن معاملات نظامیه نك ایفاسی امرنده مکلفینه بر سهولت اولق اوزره سنه مزبوره ابتدا سندن نیساننک اوتوزینه قدر ایکی ماه مدت تعیین قلمش اولدیغندن بو مدتک مرورنده سنه مذکوریه عائد رسوم سنویه سی ایفا ایدلیان هر نوع اعلانات مخالف قانون عد اولنهرق اوتوز سکرزنجی ماده احکامجه هر بری ایچون آیری آیری جزای تقدی استیفا ایدیله چکی و بیک اوچیوز یکر می سکرز سنه سی شباطی نهایتنه قدر یعنی سنه مزبوره

ایشاتمه معاملاتنه تعلق ایلیان مخبرات خصوصیه ایچون استعمال ایدیله میجکدر .

حکومت سنیہ پوسته و تلغراف و تلفون نظارتی جانبندن تعیین ایدیله چک مفتش لر معرفتیه شهر تیمور یولنه عائد تلار ایله اجرا اولنان بالجله تلغراف مخبراتی هر آن تفتیش ایتدیرمک حقنی حازدر .

حکومت سنیہ بر تلغراف تلی تأسیس خصوصیه شهر تیمور یولنک دیرکندن استفاده ایده بیله چکی جهته اشبو دیرکار شرکتک تلارندن ماعدا ایجابنده اشبو فضله تله ده تحمل ایده بیله چک صورتده تأسیس ایدیله چکدر .

حکومت سنیہ ایجابنده مصارفی کندوسنه عائد اولق اوزره خط بونجه آریجه دیرک رکز ایده بیله چکی کی حکومت عائد خطوطک منقطع اولمی و یا خود بوزولمی حالنده شهر تیمور یولنک معاملاتنی سکرته دار ایتماک شرطیه شرکتک خطوطیه مهم عدا ایدلیکی تلغرافنامه لری کشیده ایتدیرمک اوزره موقفلرده تلغراف مامورینی ده اقامه ایله بیله چکدر . (مابعدی وار)

## تصحیح

۱۳۲۹ سنه سی مارتی غایه سنه قدر بغداد ولایتنه خارجدن کتیریله چک دقیق و ذخاردن کمرک رسمی التماسی حقنده اولوب تقویم وقایعک ۲۸ ربیع الاول سنه ۱۳۳۱ و ۲۲ شباط سنه ۱۳۲۸ تاریخ و ۱۳۹۳ نومرولو نسخه سیله نشر اولان قانون موقتک عدلیه نظامی احصائیات و مدونات قانونیه اداره سندن مورود صورتی سرلوحه سندن سهواً «مارتی» کلمه سی یازلامش اولدینی اداره مذکوره دن اخیراً بیلدیرملکه تصحیح کیفیت اولنور .

## مواد عمومیہ

مکه مکرمه مرکزنده شهر حال ابتدا سندن اعتباراً داخلی پوسته پاکتی و قیمت مقدره لی مکتوب و حواله نامه و بشرط التأدیہ پوسته یا کتی معاملاتنک تأسیس و تطبیقنه مباشرت ایدلش اولدینی پوسته و تلغراف و تلفون نظارتندن بیلدیرلمشدر .

## مالیه نظارتی وزنه عمومی مدیریتنه :

[ اغانه حربیه ]

پاره غروش	
سکود قضاسی مال مدیریتندن	۱۰۲۶
مصرفن مبايعات قومیسینونی حربیه نظارتنک تذکره سیله	۴۳۴۰
بارملی دن تذکره سامیه ایله ورود ایدن	۴۴۸۰
سونلادن	۱۶۸۰
طرزوزن ولایتنک اردو قضا سندن ملحق بولومان ناحیه سی	۱۷۴۴۲
اغانه حربیه قومیسینونی ریاستندن	
لهستان داخلنده چت استوقوف شهرنده اتنه قضالی	۴۵۰
فرونجی یوغلی زاده علی افندی طرفندن اهدا اولنان	۱۲



ظرفنده تأديه ايدلمش اولان رسوم سنويه سنه مذ كوره نك هانكي تاريخنده تسويه ايدلمش اولور ايسه اولسون خاصه اوچيوز يكرمي سكر سنه ماليه سنه راجع بولنش اولديغندن اوچيوز يكرمي طقوز سنه سنه حاند رسومك بالاده ذكر اولنان مدت ظرفنده هر حالده تأديه سي مقتضى اولديني اعلان و اخطار اولنور .

۳۰ - ن

\*

\*

بالجمله انجي و اولطه جي و مادربه باز اصنافك هر سنه مارت ابتدا سنده و مديه و استريديه مثللو محصولات بحريه سر كيجيلربنك دخي سر كيلريني حين كشاده صنعتلرينه مخصوص برر قطعه رخصت تذ كره سي آللري در سعادت و توابعي بالقخانه نظامنامه سنك برنجي ماده سي اقتضاسندن و بلا تذ كره اجراي صيده تصدي ايدنلر حقهنده معامله جزاييه اجراسيده ايكنجي ماده نظاميه احكامندن بولنش اولديغندن بعدما او مثللو معامله جزاييه اجراسنه مجبوريت حاصل اولماق اوزره هر صنف صيادك و قتيله و صيده چيقمزدن اول بالقخانه مركز مديرينه و يا خود بولندقلري محللارك ديون عموميه اداره لرينه مراجعتله خرج نظاميسني اعطا ايدرك رخصت تذ كره سي آللري لزومي اعلان اولنور .

۲

\*

\*

ديون مبدله موحده تحويلاتنك ۱۹ نومرولي قوبونسه ۱۴ - ۱ مارت سنه ۱۹۱۳ تاريخندن اعتباراً يوزده ايكي فائض اعطا اولنه جني و تحويلات مذ كوره فائضلرينك امر تأديه سي قوبونك اوزرنده محرر بولنان بلادك كافه سنده ۳۱ اغستوس ۱۹۱۳ تاريخنه قدر ايفا اولنه جني و بو مدتك اقتضاسندن صكره يالكر در سعادتله تأديه ايديله چكي ديون عموميه عثمانيه مجلس اداره سي جانيندن عموميه اعلان اولنور .

۳

\*

\*

موقع مزايديه وضع ايدلديكي كچنده اعلان اولنان مانياس كولنك درت سنه لك صيده سي اليوم درت بيك بشيوز ليرا بي آلتنده بولنديغندن ضم ايله طالب اولانلرك شرائط مزايديه اكلامق و بي سورمك اوزره باندومه ديون عموميه مديريتي ايله بروسه ديون عموميه باش مديرينه و اداره مركزيه صيد و شكار شعبه سنه مراجعت ايللري لزومي اعلان اولنور .

۳

\*

\*

مسكرات بيعيه رسمنك برنجي تقسيط زماني اولان بيك اوچيوز يكرمي طقوز سنه سي مارتى تقرب ايتمكه اولديغندن مسكرات صانانلرك بيعيه نظامنامه سنك اون دردنجي ماده سي موجب جهم مدت تأديه نظاميه اولان سنه حاله شباط ماهي ظرفنده بيعيه رسني ايفا ايله مجدداً تذ كره آللري لازم كلديكي و بموجب تشكيلات غلظه مسكرات مركز مديرينه ارناوودكوي و صارييار و بكقوز و اسكدار و قاضي كوي و قومقو ديون عموميه اداره لرينه نظامنامه مذكور اونجي ماده سنك صوك فقره سنه توفيقاً مراجعتله تجديد تذ كره ايتديرملري ايجاب ايدلديكي و مارت ماهنك حلولندن اول تذ كره المايوبده ماه مذكورك برنجي كونندن اعتباراً بلا تذ كره مسكرات صانانلر حقهنده معامله جزاييه نك اجرا قلنه جني اعلان اولنور .

نچ پا - ۲۸ ط

دفتر خاقاني سندات عموميه اداره سندن :

فاطمه خانم بنت عليك عهده سنده ايكن وفاته قدر بسله مك شرطيله برادري عسكري قائم مقامغندن متقاعد بكر بك ابن علي به بجاء فراغ ايدوب متفرغ مومي اليهك شرط مذ كوره عدم رعايتندن واليوم محل اقامتي مجهول ايدو كندن بجهله اعاده نامنه تصحيح قيدي فارغه مومي اليها طرفندن استدعا اولنان سر اجخانه باشنده حيدر خانه محله سنده كلخان سرقاغنده درت نومرو ايله مرقم بر باب خانه نك نصف حصه سي حقهنده مامورين مخصوصه اعزاميله ۳۲۹ سنه سي مارتنك اوتوزنجي جمعه ايرتسي كوني فارغه مومي اليهك اليوم مقيمه بولنديني كاتب سنان محله سنده تحقيقات اجرا ايتديريله جكندن بوباده بر كونه ادعاسي اولديني حالده سردو اتيان ايدلك اوزره مومي اليه بكر بك بالذات بولنسي و يا طرفندن بروكيل شرعينك حاضر بولنديرلسي لازم كله جككنك بيان و اعلاسه مبادرت قلندي .

\*

\*

افنيك خانك استقراض ايدلديكي طقوز يوز عدد ليراي عثمانى منابلنده يودالئون افندي عهده سنه و كالت دوريه ايله وفاء مفروغ بولنان بوزاز ايچنده بيو كدره محله و جاده سنده ۱۹۵ و مكرر ۱۹۵ نومرولو سنوي اون اوچ بيك غروش ايجاره متحمل ۱۴ اوطة و ۴ صفه ۴۹۰ ذراع سر صه اوزرينه مبنى توسيع انتقالو ريختيم محلي مشتمل ساحلخانه ايله ديكر بر باب خانه نك تسويه دين ايدلامسندن طولاني ۱۳ شباط سنه ۳۲۸ تاريخنده موقع مزايديه وضع اولنه رق قرق بش كون مرورنده حاله اوليه و اون بش كون صكره حاله قلعيه سي اجرا قلنه جغندن طالب اولانلرك قيمت تخميه سي اولان ۱۷۰۰۰۰ غروشك يوزده اوني نسبتنده تأمينات اچميسي مستصحباً دفتر خاقاني نظارتى سندات عموميه اداره سنه مراجعت ايللري اعلان اولنور .

۱۵ ما

\*

\*

خليل و عمر و حسين افنديلرك استقراض ايدلديكي يوز فرق ليرا مقابلنده على بك عهده سنه و كالت دوريه ايله وفاء مفروغ بولان سلطان بايزيد جوارنده امين بك محله سنده برmq قپو جاده سنده قرق بيك غروش قيمت تحريريله و ۸ نومرولو شهرى ۲۴۰ غروش ايجاره متحمل ۱ اوطة بي حاوي دكان مامكنك يوز يكرمي سهم اعتباريله قرق بش سهميله دروننده مستقر بر عدد خفاف كدكنك كذلك يوز يكرمي سهم اعتباريله قرق سهمنك يوز التمش سهم ترتيبيله يوز اون درت سهمي وينه محل مسد كورده اوچيلر باشي جاده سنده يكرمي درت بيك غروش قيمت تحريريله فوقنده براوطه بي مشتمل دكان دروننده مستقر اسكيچي دكاني كدكنك يوز يكرمي سهم اعتباريله توسيع انتقالو التمش يدي بچق سهمي تسويه دين ايدلامسندن طولاني ۱۵ شباط سنه ۳۲۸ تاريخنده موقع مزايديه وضع اولنه رق قرق بش كون مرورنده حاله اوليه و اون بش كون صكره حاله قلعيه سي اجرا قلنه جغندن طالب اولانلرك قيمت تخميه لرينك حصه مصيبه لري يوزده اوني نسبتنده تأمينات اچميسي مستصحباً دفتر خاقاني نظارتى سندات عموميه اداره سنه مراجعت ايللري اعلان اولنور .

۱۴ ما